

欽
定
全
唐
文

欽定全唐文卷二百六十四目錄

李邕四

海州大雲寺禪院碑

東林寺碑并序

五臺山清涼寺碑

大唐贈歙州刺史葉公神道碑

贈安州都督王仁忠神道碑

長安縣尉贈隴州刺史王府君神道碑

唐贈太子少保劉知柔神道碑

欽定全唐文卷二百六十四

李邕_四

海州大雲寺禪院碑

天也地也攝生之謂元造日也月也容光之謂神功然亭
育之仁可幹終滅照明之力未焯昏霾故熱惱積薪劫燒
難鑠驚波巨海沃焦自淵獨有導師空王禪那宴寂一念
首安住之域加行證無爲之階密教內修莊嚴外度雙引
相應並照兩忘然後生無生淨名不去照無照了義能覺
熱菩提之炬則枳棘滌除楫般若之航則橫流旣濟湛四

禪於中道超三有以上征精舍攸躋度門斯盛其此之謂
矣粵有寺之艮背山之前臨有確師禪房者武德八年邦
守蕭公諱顓護法之所建也周日環郭澄心際海亦旣一
味實無衆生夫憑其高宅其勝曾近俗諦或乘法流且水
出於冰凡作於聖雖曰醜地猶是道場矧乃妙有孤標寶
相靈變入我室觀我形者哉施及貞觀歲有等觀禪師繼
前心承後問分之則別位二事合之則同列大空坐於斯
竟於斯於戲四益風驅百爲火滅棟宇崩落象設傾低先
天中有惠藏禪師聞之斯行居而不住妙齡強植勁節老

成被甲律儀下帷經藏方丈之室時歷十年簞瓢之冷日
常一食信爲法本悟實如宗簡珠圓明經蓮清淨剃髮結
落亡境受除生起了於心緣覺被於物是以興補舊塔建
置尊容彌陀當其陽菩薩侍其側四大海水慧眼啟明五
須彌山毫相崇絕有若稽義撫實沿名討因都極樂之大
郊壽無量之景命備如昔者稱讚觀厥音聲克濟斯艱迺
復於遠則有階地超越自在神通發宏願心得大勢用皆
所以濡火宅軻劒輪投地者結業坐開入影者苦趣以息
粵若殫財竭力刻栴雕題積四三年模造化意寶殿蔚以

雲構金山煥其日臨豈徒然哉夫壯麗者將以重威神儀
形者將以攝歸止或離性解脫或見作隨緣藥草寓其根
莖雲雷感其方類即說非說若通不通惟三獸之渡河庶
一子之來學禪師以爲默則絕教言則牽文苟心事於化
人豈迹留於捨法會議斲石僉允圖功邕來守是邦偶聞
茲事依僧依佛何日忘之在家出家惟其常矣頃者下檄
湖海申明捕殺鱗羽咸若災疫以寧救蟻雖尚於沙彌涸
魚每憂於釋種祁寒則怨童子何知率三省於短懷寄一
塵於寶地別駕宏農楊公守堅字越石本枝鼎貴胄允岳

靈直道守公智印觀法司馬瑯琊王公元勗字固禮高闡
襲吉皇士令名資位升聞妙意融朗盛矣美矣左之右之
時有新羅通禪師五力上乘一門深入利行攝俗德水浮
天讚而演成恭而有迷其詞曰

覆燾之獎始生終滅昭回之明內昏外徹陰入不斷心起
難折靈海慾深洪鑪火熱倬彼大師超然正覺亡境息想
示法流渥絕生死岸破煩惱殼度門光啟住地元邈傳燈
三葉分座一義象設儀形莊嚴地位有爲不染無相能離
苟曰法乘莫非種智古者豐石抗之高山紀事標柱銘勳

列班廣茲妙有運彼元關則百伊昔粵吾無間

東林寺碑

并序

古者將有聖賢必應山岳尼邱啟於夫子鷲嶺保於釋迦
衡阜之託恩天台之棲顛豈徒然也故知土不厚則巨材
不生地不靈則異人不降陰隲潛運元符肇開宿根果於
福庭大事萌於淨土其來尚矣東林寺者晉太元九年慧
遠法師之所建也世居鴈門樓煩俗姓賈氏童妙神悟壯
立精博初涉華學不讀非聖之書中留范經尤邃是田之
說嘗就恒岳觀止道安火遇於薪玉成於器雖根種諸佛

而果得一時師子吼言載聞順喻維摩詰答更了空門安
住四依修捨二法和尚歎曰吾道行者惟此人焉屬朱序
尋戈緇徒逃海道由茲嶺冥契宿誠謂其徒曰是處崇勝
有足底居居地若無流池曷云法宇大誰神廟特異蓮峯
結跏一心開示五力以杖刺地應時涌泉旣荷殊祥因立
精舍堅卧禁戒宏演妙乘浮囊毒流木鐸正教首唱南部
轉覺後人以智慧刀斷煩惱鎖由是真僧益廣妙供日崇
隘其本圖宏其別業乃進自香谷集板安棲即曇現之門
生鄰慧永之阿若相與撰平圃踰層岩在山之陽居水之

右經其始而未究其末有所而未虞其勞當是時也桓
元司人柄幹國鈞以福莊嚴因憍檀施書日力之費盡土
木之功繚垣雲連厦屋天聳如來之室宛化出於林間帝
釋之幢忽飛來於空外至若奧宇冬煥高臺夏清玉水文
階而碧池瑤林藻庭而朱實琉璃之地月照灼而徘徊旃
檀之龕吹芬芳而秘靜相事畢集微妙絕時羅什致其潔
瓶巧窮雙口姚泓奉其雕像工極五年殷堪摳衣而每談
盧循避席而累贊道宏三界何止八部宅心聲聞十方足
使諸天迴首觀其育王贖罪文殊降形蹈海不沈驗於陶

侃迫火不熱夢於僧珍願苟存誠祈必通感旣多雨以出
日乍積陽以作霖則有形圖西來舍利東化或塔涌於地
或光屬於天謝客欣味而成文劉斐詆訶而覃恩所以山
亞五岳江比四溟地憑法而自高物因詞而益重洎梁有
崇禪師者傳燈習明安心樂行指拳猶昔薪盡如生次有
果暉二法師僧寶所欽克和止觀法物爲大用繼住持上
座曇傑寺主道廉都維那道貞等皆沐浴福河棲止淨業
諸結已盡白黑雙遣衆生可度名色兩忘纂盛名於舊人
啟新意於今作重建雅頌遠託鄙夫代斲有慚豈云傷手

握筆餘勇曷議齊賢但相如好仁慕藺名而激節伯喈聞
義讀曹碑而敘能儻青包於藍冰寒於水非曰能也固請
學焉其詞曰

靈山兆發真僧感通刺泉有力呵神致功法儀外演禪心

內融性除遍執門開大空其一瞻禮雲集底居峯薄越嶺圖

勝降平規博信臣檀施護供興作大起重階廣言阿閣其二

嚴幢湧出寶塔飛來尊容月滿法宇天開化城改築道樹

移栽松清梵樂石敞花臺其三金容海游法影山薦毒龍業

消魚子心變萬里西傳一時東現華戎異聞穹厚驚眄其四

遠實法主謝惟文伯光頌累彰德名增勦助起江山聲流
金石一言可追千載相激其五了性了義或古或今止持紹
律定慧通心覩物情致懷緣道深敢憑淨業永紀禪林其六

五臺山清涼寺碑

上尊王之分護大千也甘露以灑之慈雲以覆之香風以
熏之惠日以暖之忽恍乎無相之體通洞乎有形之類演
正法降毒龍在清涼之山苑經行之地其山也左溟渤右
孟津恒岳揭其前陰山屋其後五峯對聳四望崇崇蓄陰
陽之神秀含造化之奇特每至丹霄出日俯拍雲霞清漢

無波下看星月可以侔鷲嶺可以闢蓮宮在炎漢時卜中
箭領用肇造我清涼寺在北齊時以八州租稅食我緇徒
焉歷代帝王莫不崇飾洎我唐開元天寶聖文神武應道
皇帝丕宏妙教大闡元宗渥澤浸而恒河流景福烝而鐵
山固仍復舊號祇以修先是長安年中勅國師德感供以
幡花文殊應見於代具大神變發大光明儼冷似或存倏
兮無處所凡厥稽首咸懷欣懌傍顧此身盡在光影其畢
葉咎乃罔不休示立諸相而無所立廣度羣生而無所度
非大聖至神覆護其孰能如此者歟夫其清涼之爲狀也

壯矣麗矣高矣博矣靡可得而詳矣赫奕奕而燭地萃巍
巍而翊天寒暑隔闕於簷楣雷風擊薄於軒牖星樓月殿
憑林跨谷香窟花堂枕峯卧嶺尊顏有睟像設無聲觀之
者發惠而興敬居之者應如而合道天花覆地積雪交輝
梵響乘虛遠山相答珍木靈草仰施而紛榮神鐘異香降
祥而聞聽淒風烈烈誰辨冬春奔溜潺潺不知晨暮經所
謂吉祥之宅豈虛也哉開元二十有八載帝之元女曰永
穆公主銀漢炳靈瓊娥耀質發我上願歸乎大雄爰捨金
錢聿崇妙力奉爲皇帝恭造淨土諸像欽鑄銅鐘一駢之

以七寶合之以三金影搖安樂之界聲震閻浮之國是以
滌除煩惱足以開鑿聾盲二沙門清白懷忠置陳於禪林
之院樹法幢以供之聲梵樂以安之惟時孟秋月望慶雲
出山西北圓光五百餘丈有萬菩薩同見其間前後感應
不可遽數意者其福我聖君乎天寶七載貴妃兄銀青光
祿大夫宏農縣開國男上柱國鴻臚卿楊銛奉爲聖主寫
一切經五千四十八卷般若四教天台疏論二千卷俾鎮
寺焉海墨樹筆竹紙花書密藏妙論千章萬品置之以寶
案盛之以玉箱上褱祐於君親下澤潤於黔庶善夫上座

曇財寺主神慶都維那智誥入妙覺海登大空山大德忠
翰智空曇開如岸玉寶先覺蓮花不染高僧清超淨法雲
光庭觀谷蔭禪枝巖棲戒葉並鸞鳳比德龍象叶心豈即
舊而增修亦惟新而超構備致靈應昭彰邑郡以爲智德
斯遺靡籌稱謂句偈不忘式圖刊勒敢承前矩強述斯文
銘曰

天作五山兮實曰五臺山上出泉兮有龍爲災大聖煦嫗
兮戢毒徘徊西南其剝赫赫枚枚翠微之上兮翠嶺崔嵬
金容月滿兮寶座蓮開祈我聖皇兮其至矣哉以感以通

今爲祉爲福前際後際今無去無來

大唐贈歙州刺史葉公神道碑

公諱慧明字德昭南陽郡人也其先系自軒后彌於周文
聃季食沈子高封葉因爲氏矣逮問政偶孔好龍得真代
有聞也昔者惟帝興運乃聖炳靈風雲相從卜夢通感間
氣駿發良弼大來有開必先憑物爲象固自然矣則我使
君降仙府乘道流追蹤隱淪叶契幽叟結廬澗沚考槃巖
椒同人利貞遁代勿用雅好酒德尤邃老經話言解頤精
義絕倒誘進不倦虛納盡歡好事集門長者闔里每至升

月帷戶和風林薄植杖嘯谷席皮琴山泰然樂生澹乎忘
老方且惟性壽邈神仙徇赤松之游蹤黃老之術外身先
物歸根致柔緣以大均持以大定色理不盪寵辱不驚繩
繩焉熙熙焉孔德之容罔可測已故師長旌禮邦族與化
智者謂智仁者謂仁雖禍塞桑樞紵衣韋帶必避塗加敬
懷風惕息焉是用克聞於家大育厥允則我越公襲上德
延慶靈生而知之學而習之有專門之資得不丞之業纒
亂扛道旣冠同元訊遠嶽之福庭覲幽尋之方士陳咒雷
駭吐刃電光沈海莫濡蹈冶匪熱呵萬鬼搦百神啟陰官

之符變冥司之籙追究往事坐知來茲膏盲無所遁其形
霧露不能滋其疾奇跡多緒嘉聲日聞是以大君孔休辟
命薦至入自卧内問以咎徵造膝必誠偶事皆中時更四
紀代且五朝順風以請天師歛衽以近皇極緇素莫能出
右公卿是惟虛左國家有事天地將旅海嶽公嘗致禮加
璧能事潔羞傳駟載途郡邑迎謁者歲四三焉自頃賊臣
齧禍小人吹蠱敢爲戎首與此厲階天步未亨人事將殆
公乃極陳幽贊大啟聖猷枚卜撰辰並走羣望作爲邦翰
先後主憂殄勦元凶翊扶皇統是嘉厥異式揚爾忠爵賞

茂於身寵贈光乎考匪此父也曷訓其子匪此子也曷揚
其親松楸已行碑板未立永念終古追存孝思驟請闕廷
第如江介遠訪才子枉逮鄙夫趙括論兵多闕舊學班固
述史實賴家書顧惟成章伏愧貞石其詞曰

真隱夷軌默仙解形倬哉獨立企古遐征殆庶元德升覩
丹經服鄉不涅光和無營築卜岑渚上藥侍琴徐嘯風谷
緩步月林白雲怡意清泉洗心曷勝不往曷奇不臨迹因
神遠情隨地深舉代方籍皇家未軼肇有懿子載揚令德
左慈致物越人辨色司察鬼謀役使神力寵被五君聲聞

八極日嘗溥蝕國有多難凶慝肩揚忠烈憤惋亦旣先覺
克圖幽贊皇哉神武赫然天斷薄言即戎於以戡亂帝念
酬庸典開列土豈曜厥身實贈於父朱藩乃錫紫綬是與
存致沒榮忠伸孝舉烈烈松柏緒風興悲表墓有闕紀德
無詞哀哀嚴蔭鑠鑠孝思孰傳終古是建豐碑贈慧明銀
青光祿大夫歙州刺史子道士法善授鴻臚卿封越國公
開元五年太歲丁巳鶉尾七月夷則七日甲辰建

贈安州都督王仁忠神道碑

觀厥君子大司莫盛於禮樂時事大實莫極於寵榮非夫

周於財厚於行外無鬼怨內無人非將何以享而福之兼
而有之寅亮邦家武衛帝室者也府君諱仁忠字揖太原
祁人也其先系於有周氏於子晉文武不墜子孫其昌掌
兵霸秦爲相寧漢累葉交映兩朝相輝梁之狐鳴司徒匡
復於將亂周之龍躍開府扶翼於已興曾祖景孝府君隋
屯田侍郎祖詮府君皇朝明威將軍歙縣開國男汾州刺
史考文濟府君侍郎御史吏部員外朝散大夫東臺舍人
並典學懿文夷道全德高舉時秀丕承國工府君至和有
純上德膺茂軌度恬簡品鑒朗拔篤誠博達英邁奇偉詩

書異等容貌出徒飄然清風藹然顥氣安步名教詠歌典
墳虛心以遊不思而得至於緝熙遠畧繩準嘉言寶匣干
將玉臺明鏡未云比也解褐濮州司法參軍要囚有倫亂
獄不作泣下丹筆情深赭衣俄轉湖州司兵參軍郵亭利
權豪富饒市脂膏不踐玉帛何階頃開元皇帝之潛春闈
也以府君后之季父時之正人吳札識音周瑜能聽遷太
常主簿尋以地近姻戚望出衣冠仍加朝散大夫試本寺
丞屬國家有事上元張皇大禮沿革舊典節制新儀超上
柱國而即真焉及皇上御極元妃昇后遷太子僕六馬肅

若具僚仰止朱被皇皇鳴珮

字闕二

載遷鴻臚少卿四極梯

航萬首匍匐且和戎狄未繫單于頭太常少卿九樂備陳

三禮大舉觀諸侯之會知天子之尊除左千牛衛將軍晝

巡蓋常夜拜是功上謂府君曰昔太上皇嘗居此職特相

委任是屬親賢府君兢懼滿盈誠懇辭避鴻私屢抑嘉願

莫從霧露不宣腠理成疹詔使旁午御醫崩奔嗚呼杲日

或虧良歲多謝命莫能續天將謂何春秋六十有一以開

元十年三月癸酉朔捐館宇於京兆興寧里之私第皇帝

震悼椒宮感惻制贈安州都督賜物二百段米粟二百石

喪葬官供加元纁束帛勅萬年縣令韋令監護卽以其年
八月壬寅朔安厝左翊太原舊塋禮也長子右衛長史嶷
次子尚衣奉御嵩司農主簿崑京兆府參軍崇岩芳萼崧
等並昭獎光訓憲矩令猷文翰發於國華禮則隱於人紀
追惟廣孝永言孔亟椎心陵谷泣血松楸是用合謀有成
作爲不朽直書盛德曲訪小才錫類每深注情彌極文章
莫及覽對何言其詞曰

千年流慶百代象賢山邱藏澤海水成田文武震耀冠蓋
蟬聯業揚史竹名雄鼎鉉其施及時英駿發后族體大志

宏氣和德倣秀舉清流高標雅俗地位雙昇才名兩復其二

太常禮樂儲宮調護屬國風偃司戎山固先帝昔官聖恩

今喻匪親曷保惟貞是附其三三旌未涉六疾爰臻擁福何

崇轉禍無神喪葬公備哀榮禮陳寵加黃壤贈及朱輪其四

松柏舊塋元纁今飾詔使頻繁椒宮慘惻河山動容風雲

變色茲焉永懷古之遺直其五光有允子克荷良弓臣孝家

節文章代工椎心匍匐泣血無窮託碑板以題述庶哀敬

而永終其六

長安縣尉贈隴州刺史王府君神道碑

邕聞才不必用慶有必鍾盡滯或牽於時首正終會於古
故志氣也不謀於食而謀於道生祿也不在其身即在其
子始終備致後起追襲謀翼孔彰前循邁種互體相發他
日同時哀榮大來幽明通感長河一曲所以端其濬源高
山四成所以極其層阜粵未可測已府君諱行果字某太
原晉陽人也其先抵於嚳稷幹於季文枝於翦離條於吉
駿代關絕史朝弗曠官自古及今名不去六代祖叡後
魏尚書令封中山王贈太宰謚曰宣五代祖襲吏部尚書
嗣中山王謚曰惠高祖忻散騎常侍北肆州刺史謚曰穆

曾祖子景徐州別駕北豫州司馬祖元季府君屬隋政分
崩賢人伏匿誓言避地執心葆光迫以族弟本州遠慮物
義辟大中正開府儀同三司考有方府君皇朝岷州刺史
皆寵義從禮尊仁依信增業以行道兼濟以守官府君間
氣茂靈上德純粹風度簡曠神情秀拔衣冠禮樂超等出
徒博達聰明舉衆敵國無成足乎多藝不器非其一名讀
聖人之書閱上將之畧每及忠公大節孝友至情大息戶
庭垂涕枕席憮然有開物致君之意立德顯親之心皇士
目之通才許之好仁從田蘇之遊求已慕藺生之義至於

手畫耳聽口誦目數覆碑背局答難賦詩公每屑焉人所
 服者弱冠以方聞授潤州司兵參軍事自頃上官養求同
 案侵欲或專咨儉嗇或懷其安荒一觀禮容載敷先訓不
 俟憲矩若對神明信所謂正刺邪德形物至於此也未幾
 宅岷州府君憂七日絕漿三年廬墓泣變青柏祥臻素烏
 野老明徵邦牧表異府君泣面而視漉肝而言曰所不死
 者恐貽慈母痛悼豈願居單外買聲名叩頭止之外除宋
 州司戶參軍日者甫無水虎土有凶年奸吏舞文詭隨畢
 賦誅求公聚作為朋給者習為常焉府君位其農郊什其

居室正之以法糾之以詞勿言寬征足革舊染議者以爲
平宰社肉武習宮人一荒知秋百爲有典矣總章歲駒麗
負海欺天國家汎舟討罰銜急宣之明命濟懸軍之見糧
董其轉輸舉於幹職是役也緊公遷長安尉無何丁太夫
人艱禮異於經毀甚於昔且二尊孝等偏罰事殊往顧慈
親今極真性臨穴號叫仰天殞絕嗚呼孝歟春秋三十有
七夫經德而天代人所悲執喪而滅錫類所痛有一於此
則可以束名教感人倫況兼而極乎夫人中山甄氏父雍
州豐崇府左別將黃陂縣開國男食邑三百戶行府君之

息女嬪有令言母有瘳則從夫德貴訓子業崇力遷於山
祔同於穴粵以景龍三年歲次己酉十一月庚寅朔十三
日壬寅合葬於洛陽清風鄉之原禮也長子駿慷慨英達
激揚忠孝誦習文忠昭宣幹畧元宰經國上將眎師申通
明之偉才竭寅亮之誠節其志如石其心如丹五間三連
少籍多得空始一作細疑無所逞其計合散無所用其鋒李牧
十年武侯七縱盡兵聲於河外揚主威於海濱三士列其
多備九原備其光寵開元十一年九月八日制曰存樹其
名沒而不朽緬懷褒飾宏是典章兵部尚書同中書門下

三品上柱國行果粹靈誕和敏德成器高節夙著盛名有
歸雅志未伸促齡永謝象賢之美不展於亨衢而積善之
徵克崇於後嗣歲紀方邈徽猷自遠宜申寵贈可使持節
隴州諸軍事隴州刺史勲如故次子暉故汾州永壽宰神
和體正經明行修有角無齒惟天之道與才不壽匪身之
辜兄也孔懷緬然增感願述先德克贊豐碑高燥有以壯
孝心樵蘇有以敬賢墓其詞曰

德不孤慶有續迹時晦賢必復名實才尊匪祿博技藝窮
簡竹耳斲聞心以蓄手未止目猶逐碑可背奕能覆坐嘯

委行道勗孝深至滅太魔獎教義揚雅俗位嘗卑齡雖促
推仁信致戩穀鍾令子發華族振武威廣文囿經廟堂掃
邊服昭皇考贈丹轂臣義著子道足哀且榮幽旣燭考罔
已性相屬碑乃建神所福

唐贈太子少保劉知柔神道碑

邕聞古之常銓今之大寶或籍地因勢或經德自身或禮
樂國工或詞學時秀或貴盛終吉或等祀老成或廣孝聞
家或納忠刑國有一於是則百斯慶書於牘大其聞矧乃
總集高曾備致昆弟悉數以周稱同原而合流息女擇於

賢夫允子訓於良冶首止光寵出入震耀若此表裏者矣
府君姓劉氏諱知柔字某彭城人也其先府君母弟銀青
光祿大夫左常侍崇文館學士修國史子元按史謀推之
楚孝王囂之後粵若伯豫談經景瑜志學令言穎邁王喬
名理迴仁之撫接內使之節義是以嗣前人食舊德鼓簧
史傳柱石邦家其來遠矣高祖魏驃騎大將軍北州刺史
禕府君諡曰懿曾祖齊散騎常侍文林館學士岷府君祖
朝散大夫陳留縣長元邃府君考宋州司馬贈徐州刺史
藏器府君莫不都長忠方簡質貞亮業行優絕政理殊尤

府君雅節一成立年博達典學爲海懿文爲林鎮重爲山
幽靜爲谷清淡事約言遣理深謙常後身儉不逼下至若
儀形碩偉風神散逸立若尸祭坐若肅賓認金不爭鬪馬
引罪公庭絕於私議虛室造於元門遠遺之觀物則名顏
子之問一知十無以過也嘗以爲權畧多疊皦察不祥和
令乃私靜勝而言立莫神怨行莫人誅固能陳無兵火無
熱變奪物性延集福根然後至精啟純全德居厚崇化務
俗樹德垂聲可也識者以爲張華茂才荀彧遠畧雖曰王
佐則無天年今府君二者兼之一言得矣觀藝知巧覩葉

知秋吉祿大來壽考休佑吾無間然矣逮計考甲科薄遊
異迹宅憂殆滅有命從師辭爵廬墳受錫表闕黨銅光復
佐職艱貞歷荆府司馬史氏詳矣自皇運啟聖清途授德
典國冑司人曹拜司業兼侍讀漸也府君雅仗忠公固拒
權寵恥或趨貴哲不易方出荆府長史復戶部徙同宋二
州揚益二府一淮南廉察再山東巡撫加銀青光祿大夫
進爵彭城侯大府有四公居其三要轄有三公提其兩冢
卿有九公自屬國二年尚書有六公以司空十載分爵有
五公當侯伯之榮居守有一公兼宗祏之寄巡使有十公

兼東土之俗疑輔有三公首儲宮之傳至於仁以養之義以行之慎憲以恤人闢土以祈穀制曰黃霸之奉法循理錫以高車郭賀之惠化仁明加其冕服至於發貯賑施書板賦財已擊單于且平水土制曰出膺賢守則郡國循良入侯名臣則衣冠準的俾遷榮於北斗宜作範於南宮夫如是有足以論道經邦助天開化增河海之渥澤近日月之景光府君止足發衷辭滿得地終讓八座還忌三旌聖上錄德序功養老懷舊就成頤攝留連閭曠制曰乃建儲貳聿求賓客允茲懋官惟爾崇德府君固乞骸骨退守田

園恩命如第尚給全祿嗚呼日有旻歲有除澤藏山風振
海矧伊人也矧伊人也春秋七十有五以開元十一年六
月十五日遇疾薨於東都康俗里之私第皇情震悼追襲
薦及制曰簪纓舊德楨幹通才清以立身儉而率下出入
三署綢繆兩官曾不憊遺奄然喪逝言念遺老惻悼於懷
宜寵贈章式旌泉壤可贈太子少保物二百段米粟各二
百石葬日官供幔幕手力等太常考行諡曰文以某年月
日葬於河南府緱氏縣景文山原禮也府君昔在平日深
戒厚葬祖載服用子壻黃門侍郎宗子暘所營奉祠子某

官某等追惟先志臨穴長號謹以焚之殆無遺者尚曰史冊者揚乎名碑版者紀於迹今願抒哀敬却樵蘇發頌聲彰末嗣邕曰唯唯敢不十一千百焉其詞曰

漢起沛楚封徐代則九慶實餘惟英秀粵卓犖惣文史張禮樂諫而尊道而勝集百祿延周稱貴自取榮可榮弟紫綬堦黃門始孝思後忠烈歷中外備名節歲彌長聲更揚隱屬國老文昌懷遠圖忌太盛謝人爵委天命月有虧日有昃皇恩動物情惻猗孝子奉惟訓服用薄哀榮順布史簡繼碑石名教開幽名激

欽定全唐文卷二百六十五目錄

李邕五

中大夫上柱國鄂州刺史盧府君神道碑

逸人竇居士神道碑

桂府長史程府君神道碑

唐故雲麾將軍右武衛大將軍贈秦州都督彭國

公諡曰昭公李府君神道碑

并序

左羽林大將軍臧公神道碑

唐東京福唐觀鄧天師碣

羽林大將軍臧公墓誌銘

雲麾將軍碑

欽定全唐文卷二百六十五

李邕五

中大夫上柱國鄂州刺史盧府君神道碑

嘗以清白者賢操之行理迹者公人之業矧乃周仁以子

物濟義以

闕二

酌

闕三

畢

闕六

所以

闕九

車未下而威先

館未即而恩洽衢陌歌頌風俗異聞

闕二

披

闕一

厯

德

闕五

其在

闕一

也

闕十

姓之後唐堯理水伯夷封於呂

城周武興

闕一

太公

闕一

於齊國

闕二十

子左庶子祖諱

寶素隋晉州別駕考諱安壽緜州長史莫不

闕二

禮

闕五

言闕十友至性遠與古人貞拔休風高視當代學觀古闕一

字樂聽雅聲闕三以闕三兌闕一以闕一欲闕十同於席

解褐冀州信都主簿改絳州太平丞階以昇進闕二不闕

字清闕三忠公闕十無闕一科賦有條尋宅憂孔艱殆滅

至性廬墓沫血闕二茹荼服除轉闕一州闕五恩闕十恩

除洛州新安宰以犯諱更滎陽率下以闕二民以孝散闕一

字以闕四以闕二十不捨過而獄無其辜匪貸恩而人有

其愛莅政闕一矜闕二十璽書是降皇帝問洛州滎陽縣

令廬正道闕二十祿秩以褒美政勉勗終始無替嘉聲賜

卿絹二十匹

闕二字

蒲州

闕一字

馬

闕二十四字

錦州員外司馬朝

廷以罰不及嗣罪不在

闕一字

收之以

闕二十

江東按察判

官借薦德樹賢黜邪

闕一字

惡汙吏阻格

闕一字

人尋遷

闕一字州闕十飲水賦詩意誠而公義直而亮庭無宿諾事

不

闕一字

於

闕二字

無

闕一字

言

闕一字

不

闕一字

於

闕二十

昔金為

闕三字

從遊日月有來藥物無效神

闕二字

及

闕十

開元十四年

闕十

修里之私第時宰咸

闕一字

朝

闕一字

嗟歎

將智逝矣乞言

闕一字

乎以開元十三年二月

闕一字

六日

闕一字

字闕二字安山

闕一字

先塋之

闕一字

禮也夫人滎陽郡

闕一字

君闕一 氏廣州闕一 史元度府君之息女嚴慈訓子闕二

事姑才德昭宣闕七 姓宜闕一 室闕三 翼後時闕三 祔仲

子寬朝散大夫闕一 陵令叔子澈太原府士曹並彞闕四

長齡促闕三 堅前桃林宰季子曉闕五 州司馬闕一 子闕一

字 太子宫門郎皆在邦聞人惟家有子文史足以遠闕一

氣闕一 迹闕一 以闕三 將以先公闕一 休畢闕十 銘泣柏

淚枯號天氣絕敬申遺恨遠託故人闕二 莫追闕二 不闕一

字 其詞曰

地藉慶靈兮誕生岐俊博總技藝兮含宏忠信錦闕一 詞

關一 兮雲飛筆陣關四兮關三進宰縣關八志葆光兮懸

車解印除日歲幹兮舉燭風迅蒼生有關一兮皇天不憖

蕭蕭關一門兮關十近

逸人竇居士神道碑

觀夫道義重者則土芥寵祿關一氣廣者則湫阨山林是

以混然關一人關一在於蕪關二然關一事不入於市朝

其服也鄉其行也獨介如關一石關三蘭所以名與風翔

業與時並關一稱君子詩曰碩人其在茲也居士諱天生

字自然扶風人也其先出自夏后少康之允關一晉大夫

闕六 漢丞相演班固之書豈徒保闕一河而累葉胙土掃

北朔而千載銘山因闕一秦闕一今為京兆人矣曾祖居

士諱闕一祖居士諱希求考居士諱闕三幽抱虛壑閑卧

深林黃卷晨開素琴夕引臨沼而下視天鏡仰山而高詠

雲莊雖迹在人間而志逸區外居士幼而神秀長而恬和

習志闕三人育沈冥於後闕一高尚芝桂闕一易衣冠其

凝神也氣細於虛其闕一節也冰寒於水則知瓊林玉樹

迴出塵容闕二蓬瀛遥登仙子是以好闕三名流重真背

郊塵變輿馬或靈藥一器或闕一酒一壺接道闕一於野

庭申秘闕一於闕一座曷云招隱聊且懷人至若賦詩闕一

字言比物闕一意眇默闕三遥昇天莫知曾深但仰元妙

時有流俗親懿勸誘浮榮論葉縣於漢仙比漆闕一於宋

傲南郭槁木東方耀星出處有以闕一名言論有以軌闕三

蕪沒三徑淪湑百齡而以飛遜居貞辭闕一翫代與夫

五辟未就六闕一不行披霄褐以闕二冠雲冕以闕二非

所取也居士乃軒辭解謝闕四太息而言曰僕聞子面吾

面肇允不同以馬視馬亦既有異矧爾改父之道則死孝

曷申為身之謀則生慮曷保闕一堯舜在上巢由在下闕三

李邕

李邕

字 國則如此以家又如彼自可永闕一元覽悠悠素襟沒

緡清流隱几磐石豈不泰歟議者以為風神照人文史滿

腹闕一聲大谷絕迹幽巖闕四有膏者不煎有爪者不搏

才不同也闕一何為乎居士賡辭曰且駢指者疾多言者

窮意者闕一欲闕一無為闕二道身貴寶貝所以食闕三

寵珍羞所以却吾粒豈徒弄沆瀣踐莓苔買山以游沽名

而隱者也闕一後闕一薄當軸曾闕一閉關微赤松不追

匪黃庭不誦聊以卒歲式用闕三呼鶴矯神遷蟬蛻形解

雖人事似促而仙路實遐以長安二年正月十三日闕二

化於闕二時春秋六十夫人沛郡太夫人朱氏性與闕五

親始則輔德從夫終則擇鄰翼子光啟釋教休有禮防傳

繫肘之方得觀碁之樂享年八十有六以開元十闕一年

三月七日示滅於京闕三以其年十月十六日合葬於五

齋原禮也長子處賓才與命違壽惟神闕一丹穴之色闕一

字變鳳毛青田之姿闕五悲人代高步仙遊闕三賓早慕

嗇神久承元覽無玉帛之樂事闕一詩禮之雅闕一人求

我知我棄人欲貂蟬莫耀荆菊是馨季子正議大夫行內

侍上柱國元禮多闕三全節冠時以孝則忠曰慈故勇西

南護塞設五

關一字

以

關一字

謀東北

關一字

戎縱一鼓而包敵

由是昭宣豹畧作為虎臣歸西戎之數

關四字

之

關三字

尅以

少謀勝取多歐脫連頭而受誅穹廬屈膝而請命燕山之

石揚先祖之刻銘屬國之官笑

關一字

來之繫頸

關三字

迫公

事違阻

關一字

心不

關三字

松楸身廬塋墓猶且匍匐泣血擗

踴椎心

關一字

天地以昭親表山河而刻石其詞曰

一門養素兮四葉探元遺土軒蓋兮含景靈仙凝神

關一字

谷兮洗耳寒泉笙歌蕭

關一字

兮

關一字

鶴翩翩揮手

關二字

兮

長歌紫

關四字

日兮遼柱

關三字

勿求之兮吾將憐焉有美厥

後兮是稱其賢闕一名四主兮宣力三邊孝家忠國兮揚

親闕一天闕二行闕一兮性闕三倬彼石表兮永矣松阡

桂府長史程府君神道碑

觀厥品目異等業尚獻臣天與才名神福壽考而中留官

序小往代艱位不極乎多能績未宣其利用戢駿翻韜良

工悲聲起於絕絃泣涕形於抱玉自傷楚老豈獨公明而

已哉公諱某字某廣平新安人也其先出自顓頊重黎之

後周之休父入為司馬漢之不識擢居衛尉至若昱輔魏

主嬰立趙孤奉日以納忠殺身以明節精誠發於寤寐義

烈冠於人倫宜其貽謀克家寵光形國業與時並名與功
諧者也五代祖嚮府君陳襲重安侯隋蕭縣宰四代祖育
府君隋車騎將軍曾祖皆府君隋涿郡主簿大父宏府君
皇朝安陽令考大辨府君泗水六合二縣宰撰東征記兩
卷藏之秘省莫不託宿元德從事老成典學積於蓬山能
賦秀於詞苑府君令始家則光有國庠博通全經悉數賢
行孝曰曾子文似相如下筆不休遺言無擇陳平長者把
臂每多田蘇好仁引繩相重解褐徐城尉始足下也旋應
五臣昇第遷宋城轉櫟城簿王畿政重帝告事先握札雲

飛聽訟風靡載擢來庭長安二赤縣尉搏銜御黠夙駕承
天驚暗若神應對猶響籍聽擢左臺監察御史仁克寬文
無害恥爲諱刻雅欲優閑朝廷許之轉詹事府司直歷城
門郎長社武進朝邑曲沃好時雲陽宰六縣皆代工開化
順時布和慎簡里胥周省條簿其清水鑑其坦砥平從心
術以外形隨手妙以旁發人樂新政俗勸古風載遷魏州
司馬靜守憲矩審喻案察官師有章人吏不黷屬后族黜
免允嗣姻連奏引諫書醜詆宰輔選其頗闕一正其奸賊
志士寒心朋家質首左遷府君饒州焉嫡子昕崖州舍城

尉俄轉府君桂府洎島夷干誅天師問罪憑險縱毒送死
阻兵昕乃不俟檄徵自促銳陣挺身而當矢石拔面而覆
寇讎馬旋泥中人走岩下憤氣雖作救兵莫臨劔交於胷
戈達於腋其命則殞其目不瞑嗚呼爭首謂忠供用謂勇
倉卒歸盡零落無成有感路人愍悼慈父沉悲生疾積痛
傷年猿堪斷腸鳥可銜木人非命也天何問焉以開元十
六年十月五日奄徂化於官舍以某年月日反葬於某原
舊塋禮也夫人廣宗潘氏封某縣君即銀州刺史寶勳之
息女柔茲孔嘉貞淑丕訓是佐君子宜偕永年桃李早零

松柏同衿子皓曜曦等並才彥惟有名教克開優游翰墨
之場造次仁義之域宅憂殆滅追孝有望匍匐昭親哀迷
紀石豈以披顏友道列坐詞人談笑未終存歿相訣情也
有慟涕之無從雖不工於文將達於意其詞曰

曾源積兮流彌長高閨慶兮齡亦壽命不泰兮時未將何
寵祿之中否徒政理之孔臧坐疎屬之嬰累重愛子之飛
章遭一門兮二謫備周歲兮兩喪寄永懷兮身後唯沒代
兮名揚

唐故雲麾將軍右武衛大將軍贈秦州都督彭國

公謚曰昭公李府君神道碑 并序

觀夫地高公族才秀國華德名昭宣冲用微婉動必簡久

言必典彝人之儀形闕一以為闕三十守中轆重養福亢

宗以長其代邁德以閤其門者其惟我彭國公歟公諱思

訓字建隴西狄道人也闕三十至信徙於秦克復其任子

仲翔討叛羌於狄道子伯考因家焉洎孫漢前將軍廣子

侍中闕一十四代孫嵩闕十曾祖闕十卿諱叔良都原州

長史華陽縣開國公贈寧州刺史諱孝斌或集事雲雷擁

旄為將或闕一光日月闕九禮以闕三以闕十然寡欲超

然遠尋好山海圖慕神仙事且東以名教阻於從游乃博

覽羣書精慮闕一藝百闕一偕妙闕二知闕二十聳義

直道首公非忠益之論不關於言非侯度之暮不介其意

夫如此可以近大化漸家闕一功烈闕三畢子贊禹甘生

相秦莫可得而聞已十有四補崇文生舉經明行修科甲

明年吏闕一以文翰擢闕三十未幾加朝散大夫滿歲除

常州司倉參軍事出納之恠職司其憂蓋小小者於時也

鼎湖龍昇闕三十興二闕一之歎近關而出罔知所從臨

河而還復將安處僂俛轉揚州江都宰公曰五行四時十

二月關二為關一五音六律關八之多關十義關一其關一

字情敷祐話言所以廣德化扇揚和氣所以暢仁心及履

霜堅冰終風折木公歎曰天關三十以關一家關一詬俟

時變名求活所恨南陽宗子未舉勤王西京宰臣不聞復

辟者曠十有六載及關二十位莫非其人徵拜太常寺丞

漸也未月遷太府員外少卿五旬擢宗正即真彤伯加隴

西郡開國公食邑二千戶關三十吠傷嗣害國誘關通之

邪甘言卑詞售讒巧之譖助逆封已害正亂朝公密奏封

章累關一啟沃關二十動率關一迴關一納關一孽之諛

開臣禍之兆放逐勳舊慰薦寇讎后族握兵黨與屯衛

仡賈勇凶凶作威持戟闕一其闕二十或闕七之闕一或

外廷揣摩飛白鳥之難然以楚兵致討嘗懼季良淮南荐

凶獨防汲黯出公為岐州刺史累闕三以闕三舊也家富

勢足目指氣使驅掠以為浮費劔戟以為盜夸公乃急於

長雄緩於闕二峻闕三十國朝以時泰崇文事危尚武取

申忠義具屈才能以左屯衛將軍徵家口並給傳乘議者

以為式是闕三十義闕三嶠則文雅洽通故散騎平遷侍

中兼掌昔也所重今之所難公得之矣復換散騎常侍闕四

欽定全唐文

卷二百六十五

李邕

十

字應闕二十之一闕一以圖書闕一此之再任以心膺昇

故一從一橫一文一武丈夫也君子哉尋拜右羽林衛大

將軍以闕三十渝考中上又更右武衛大將軍且師丹廉

貞則拜斯職宋昌心腹三登厥官或以闕十於闕二門也

因假開喻是究竟談以實明宗非差別行其道流也默論

參元深闕一見聖始作闕一於不闕四於闕十地之紀導

闕二之闕四之闕六翼皇道決策謀府經德智囊而日月

有除霧露成疾莫可救藥誰能度思嗚呼春秋六十六以

開元闕一年八月闕九第闕十州郡督賈布絹四百端匹

米粟四百石葬日官給諡曰昭公宜家魏國夫人竇氏德

心守彝禮容宏矩

闕十
三字

嗚呼

闕十
四字

不

闕一
字

悲夫以八年六

月廿八日合祔陪於橋陵園禮也姪吏部尚書兼中書令

集賢院學士修國史

闕二
字

公

闕十
一字

布

闕十
八字

和宏恕以歸

厚刑器有典軌物有倫嘗追如父之恩是切加人之感相

與公之長子朝議大夫魏州別駕

闕二十
八字

賢院昭道等並

才名用譽業尚居多至性純深終天孔亟嘗恐竹簡紀事

未極聲華石

闕四
字

揚風烈

闕十
三字

之

闕二
字

名

闕一
字

之

闕四
字

麟定時秀人才國工詩書樂地典禮良弓率心載德濟義

翰忠湖海雅度

闕二

清風乃

闕一

槐集

闕四

伊昔

闕五

窮

闕十通赫赫復

闕一

振振秩宗三思

嗇禍諸韋荐兇憂纏

家國氣薄華嵩

闕七

同

闕七

衝

闕七

雄

闕十

子惟孝靈龜

是從桐柏烈烈碑闕崇崇盛業何許佳城此中

左羽林大將軍臧公神道碑

夫兵者天之威將者人之命非武功不足以遏虐非智勸
不足以視師故四朝簡才三邊受略百姓拉之如朽五變
轉之若丸橫大漠而左迴出高闕而右去狄虜懷柔以納
質匈奴辟易以破膽數騎深偵解鞍却敵入陣周迺搖扇

坐謀矧乃大誰羽林離衛宸極蓄志堅石誓心渥丹捧日
廓於九霄戴天旋於四孟千年聖主幸而逢之一代勲臣
鮮哉稀矣公諱懷亮字時明東莞莒人也其先派於后稷
演於周公洎魯孝公子臧因而爲氏昔僖伯諫隱觀魚哀
伯諫桓納鼎魯多君子視履考祥是以知其有後矣降自
璋漢城陽王太傅暉蜀郡太守混晉東海內史曾祖滿府
君隋銀青光祿大夫海州總管東海公祖寵府君皇朝請
大夫靈州長史襲東海公考德府君皇朝散大夫原州司
馬贈銀州刺史上柱國莫不納忠詞光訓彝則大乃嗣種

德在人子孫並於昌時龜組疊於榮問公濬發卓犖雄舉
倜儻風雨之氣凜凜出徒金玉之聲鏘鏘激物問家以廣
孝形國以盡忠朋執義之昆弟友之雖文忠老成而壯武
特立自左衛勲應穿葉附枝舉登科授左玉鈐翊府長上
始足下也尋以天驕送死勝府纏兵占募出奇衝突包敵
遷鴻州長道府左果毅仍長上恩獎充平狄軍都虞候總
管轉左衛陝州華望府左果毅長上屬雜虜侵闕一別將
倚角橫戈掉戰匹馬飛行拜遊擊將軍本府折衝都尉仍
長上公自任邊事每讀兵書山川之形不勞聚米戰陣之

勢有以成圖驟施交賢博聞求已習明以至用宏畧以壯
猷故兵部尚書同中書門下三品平章事韓國公張府君
年位不侔志業相許引之入幕辟以論兵抗禮肅庭握手
密坐嘗謂人曰此子才經文武氣蓋華夷逸翮將搏巨鱗
必縱雖趙有李牧漢有衛青練彼朔方勦於獯虜無以居
其右也由是聲聞於天威震於朔凡欲追討皆籍率先洎
單于紹親聞道畧地絕沙漠闕一字冰河公乃連馬拽柴多
旗具火詐示遶擊爲出分軍虜以表裏驚疑沮衄奔散轉
懷州南陽府折衝都尉仍長上朝議以元功未塞後命載

加遷寧遠將軍左領軍衛懷州景福府折衝仍長上充大
武軍遊奕副使除定遠將軍大衛雍州通樂府折衝仍長
上充大武軍國慶加明威將軍本衛左郎仍充東受降城
副使公以虜騎應來備預宜速出敵不意惟我有謀乃毒
以井泉焚以草莽中休罔以秣馬夕炊罔以汲人虜歎曰
可北而不可以南可望而不可以至公之謀也累加宣威
將軍使仍舊載遷忠武將軍左郎將兼安北副都護匈奴
以地闕援孤士寡糧絕蟻附城下雨射城中公乃偃旌麾
匿金鼓懸門不發衿甲不陳匈奴且夕却軍遲明出塞以

功遷單于都護借紫金魚袋公以北鄙禦寇中道扼喉生
門以攜之死地以誘之覘其西也將驚其前察其東也將
襲其後匈奴進退岐路迴旋二年議者以爲約之不以長
繩固之不以陷窞非公用智全勝按甲養兵安能預於此
恩制加銀青光祿大夫單于副大都護兼朔方軍副大總
管上蔡縣開國男公理兵戒嚴撫下勤至感恩挾纊攝威
蹈火匈奴不南牧職公之故也拜靈州都督兼豐安軍經
畧大使兼朔方軍大總管上蔡縣開國子匈奴利於馬牛
指於靈夏嘗以三城分守上將專征議雖畫於河南身竟

潛於漠北轉鄯州都督兼河源軍經畧使營田大使上蔡
縣開國伯公曰且耕且戰足食足兵古制也於是闢屯積
穀高壘止戈轉輸勦勞校卒加勸公之經也恩加雲麾將
軍左武威衛將軍兼洮州都督莫門軍經畧營田大使隴
西節度副大使上蔡縣開國侯吐蕃恃衆無名晉禍有素
遠掠邇牧橫掉我軍公乃下以單師張以厚陣惑之以聚
散分之以從橫左右夾攻首尾盡殪日公當西守虜蕃南
侵獲其迹人審其陰計咸以投艱在將解控惟在疑復以
本官兼勝州都督東受降城大使營田大使兼朔方軍大

總管上蔡縣開國公會六州九胡游凶階亂倉卒起於懷
袖雜杳混於賓主虜接塞聯馬肥弓勁其駭人也公分於
二蕃制於散地持必攻之郡計必死之凶上奇兵以四征
保危堞以內備雖諸軍台勢而殊效特高恩拜右武衛大
將軍賜物三百段餘如故自頃牧胡殘孽留匿傍山或求
食敢攘或逃死嘯聚猖狂三窟澶漫數州開隴震驚道路
危阻復拜公朔川軍副大使節度河東道諸軍州兵馬圖
是寇也公以穀騎雙絕誠難必擒夷險五岳非便不克乃
傍山釋馬依林去弓接之以鈇戈扼之以武旅襲其所短

運其所長凶逆鞠窮旬月底定以功最拜羽林衛大將軍
復以本官兼安東大都護府都督攝御史中丞平盧軍節
度使支度營田海運大使往者奚霫諸蕃之詭信也西屬
匈奴南寇幽薊乘間每鈔無虞亟和公以兵數實多藉用
尤費輕舉則外患不解大舉則內攻更深是以傳陰符移
閒謀飛言以誤其使重賞以賣其鄰旣伐碩交且斷右臂
所謂以武闢武以夷攻夷雖賈誼計然晁錯策得無以尚
也朝廷多之拜冠軍大將軍復本任東莞郡開國公及神
武告天有成登岳展禮白羽日野朱旗霞山臨之以天儀

列之以地陣公以駿奔走驅熊羆智勞促來風疾孔亟詔
使累降御醫游臻舊疴有痊後命遄拜復起前任無何以
本官致仕聖上以公節不可奪故信臣禁兵畧不可謀故
臨遣武事入爲心膂出作爪牙非夫至公如貌如武焉可
遠符夜拜雅杖邊秋萬里爲城四鎮爲岳澄北海之濤水
掃西沙之風昏者哉及乎暮律田園莊座枕蓆壯心不已
餘興未并宿昔霸陵意將軍之夜獵屏營細柳冀天子之
幸臨去驚悲鳴疲驂跼顧賓御太息覽對永懷嗚呼日也
者飄入於泉山也者藏歸於澤人謂之遊神謂之遷其可

若何以開元十七年八月二十二日薨於京師平康里之
私第春秋六十有八主上感悼邊人掩泣羊祜罷市耿恭
勢面見於此矣明年秋七月日葬於白鹿原禮也長子敬
廉定遠將軍前檢校左監門衛中郎將上柱國次子希莊
中大夫前安北都護上柱國三子敬之前左金吾衛中候
賜緋魚袋上柱國四子奉忠前左司禦率府長史賜緋魚
袋上柱國五子敬泚前殿中省進馬上柱國並淳孝濟義
昭武懿文檢崇讓以後身率周仁以集事光備慈訓追遠
先塋雖史簡可傳而碑板尚闕顧予以舊執詢予以小才

博殷而札翰未宣體大而褒揚不際將竭虛薄曾深其詞
云爾

惟至聖兮內外無憂任英武兮出入孔休總戎幕兮四紀

關一羽林兮六周樹元勳兮特立隱敵國兮鮮儔救河曲

兮走朔方解遼海兮振漁陽一生一死兮鞍甲卧沙

關一字

雪兮疆場橫匹馬兮飛將起萬里兮邊防忠則極兮志亦

苦年且高兮疾不愈事枕席兮忘家瞻日月兮戀主情還

遲兮怛化魂恍惚兮破虜志何深兮命何促時不與兮才

不贖碑一代兮人英征九原兮鬼籙嘉忠孝兮題紀貽永

載金陵谷

唐東京福唐觀鄧天師碣

嘗以天者常生於人之前人者常化於天之後常生常化
其惟天與人乎有物有馮者其惟天仙乎不生不化者其
惟大聖乎無爲無事者其惟尊師乎師諱思瓘家於臨川
隱於麻姑山其先出自有殷春秋後子孫因國爲南陽望
族後漢有太傅禹蜀有車騎將軍揚武侯芝晉有武威太
守世龍以至曾祖和祖甫考嗣偕秉哲衣德參寥洞元代
有人矣且源派分流達於江海之內父子傳氣合於天地

之初尊師幼入廬山中移恒嶽吸沆瀣漱清泠精魄冥於太虛耳目靜於穹谷身枯木心死灰固不如也開元二十三載皇上下明詔求方士聞本郡別乘李行禕以尊師應辟焉帝請問所習雅重其言常齋太一官集元元教慮失諸野思得其人臨遣尊師俾巡江南六十郡冥搜元覽欲以張皇大道開覺下人明年春二月甲子復命稱旨意勅度爲道士名曰紫陽仍賜紫羅法衣一副絹一百匹配東京福唐觀兼本郡龍興觀以寵之議者以尊師心奉於道身事於君名師於鄉德揚於國莫之比也五月三日又賜

絹一百匹紫羅法衣一副所謂高其行而累於賜貴其言而尊於服我聖人之用心也九月七日扈從西京勅安置同德興唐觀君子曰尊師與聖同德而興我唐乃居此觀躋也二十五年冬恩勅許歸覲省出中使二人監侍渥承於主榮及其親兼遂者鮮矣二十六年春特勅詣中岳王屋函谷宗聖及諸名山修功德其所至也神兵降於壇上慶雲集於山下元鶴徘徊於霄漢丹芝鬱馥於原野上聞而嘉之又賜紫羅法衣兩副將以服一生之體潔帛五束將以當五方之鎮綵綾六段將以成純陽四九之數錢十

二萬千將以合日月十二時之會僉曰天物備矣道心行矣二月甲子一日兩詔偕召七人初爲中禁潔齋後以真源謁廟重聞天聖獨以道高二十七年冬十月朔七日駕幸溫泉宮恩令太元觀安置子夜過半仙裝聿來顧謂門人竹務猷曰虎駕雲車門外十乘青童執節庭中二人吾當從之此迓我也遺言曰吾事親未終於孝愛弟未終於仁請本郡御書仙靈觀額及麻姑山置廟茲事莫遂奄至形解聖上儻問於我君將此辭以聞言畢異香四來奄忽而化篋藏手詔三十紙壁挂道經五千言前後所賜法衣

七副而金紫者雜綵七百二十八段錢二十六萬七千尊
師盡以幡像香油之供費其餘無幾或謂老病貧窶焉帝

聞之流涕賜絹二百匹充其歿養之

闕一字

用錫尊師孝也

度弟思明麻姑廟道士用成尊師仁也御書仙靈觀額立
麻姑山廟用昭尊師願也出中使二人監祭造車輦送還
本鄉二十八年二月二十日殯於舊居麻姑山頂甲子改
葬棺中惟見牙簡香鑪而已尊師應於盛明昇於上清時
春秋三十有七甲子永惟大聖元元皇帝教曰成而不居
死而不亡者斯之謂歟

羽林大將軍臧公墓誌銘

夫纏兵者寓內所苦用武者朔漠所懸粵若董戎三軍司帥萬里未易爲也是以累戰必勝所謂與國每守必固所謂扞邊英雄歟忠公歟不然曷以分命山河書勲竹帛者也公諱懷亮字時明莒人也其先周公之祚允自僖伯哀伯正詞魯史太傅太守理迹漢朝克揚厥休不泯於代所從來遠矣公即隋銀青光祿大夫海州總管上柱國東海公滿府君之曾孫皇朝請大夫靈州長史上柱國襲東海公寵府君之孫皇朝散大夫原州司馬贈銀州刺史上柱

國德府君之子少而習書長而事武特稟閒氣雅仗大名
暗合孫吳自比管樂移家共用乃出孝首公用仁足以子
人崇義足以開物弱冠應穿葉附枝舉擢第授長上再遷
果毅都尉三除郎將加銀青光祿大夫莅單于安北靈
勝洮鄯安東七州都督護擁旄豐安河源莫門朔方朔川
平盧六軍經畧節度營田大使三入羽林大將軍加冠軍
大將軍上蔡縣開國公至若設奇兵勦勅敵智出人境事
揚天聲經之三邊倏忽四紀舉無遺策動有成功雖李牧
十年武侯五月罔足以議及乎屯禁旅直嚴更遏周牆之

禍萌增鐵障之安國又何加焉自頃卧疾時扶力強飯嘗以匈奴未滅家國所讎長吟朔風太息秋序嗚呼陵谷者地之險有時而遷日月者天之光有時而異況於人乎風瘳彌留以開元十七年八月二十二日薨於平康里之私第時春秋六十有八親友揮淚朝廷歎息逝川歸海長城復隍悲夫以明年七月卜地於白鹿原禮也嗣子定遠將軍前左驍尉翊府左郎將兼檢校左監門衛中郎將上柱國敬廉次子中大夫前安北都護上柱國希莊三子前左金吾衛中候賜緋魚袋上柱國敬之四子前左司禦率府

長史賜紫金魚袋內供奉上柱國奉忠五子前殿中省進
馬上柱國敬泚等並棘風茹荼殫露泣柏號天自毒負土
空寃用紀石銘將符竹簡自承訪舊遠託馳誠事梗槩於
豐碑情辛勤於絕筆其詞曰

周公錫允魯國因名矢魚興諫納鼎飛聲家傳禮樂代有
賢英才子閒出武功特興提兵北壘救敗西鄙保界七州
彌曠四紀無堅不陷無強不却三邊風清萬里雲廓謀慮
縱橫威名昭灼物莫能又運何以長邊也不幸人之云亡
風沙未息松柏已行哀哀孝思冥冥泉壤高山或遷其詞

爰仰庶石銘之可託式蒿里之無爽

雲麾將軍碑

嘗以張子纘承珥貂裘者七葉楊公丕構乘朱輪者十人

下惟一字闕四郡守闕四營下都督全德安仁畢下察其考

闕一謹行府下詩書益智笈三年之為下殊歎闕三二九

闕一遼什伍下隨闕一以包教議者以為良將下節公以

名數見召義勇備下者惟一誠能沮彼勝下兵不以穿四

闕一陣甚下而排厚無下宸翰賜下之私第邊鎮奪闕一

士下俸散於戰人玉帛均於門下庶國家方築壇拜將闕

西河郡司馬府君之息女賢和淑慎靜恭貞白移闕下也允

子朝議大夫使持節景城闕下大心正懿文壯武廣孝移忠

惟闕下山不舉燧利倍往昔功省今茲闕下恐桑田或變陵谷

仍遷是題豐石之碑式表先公之墓其詞曰

卓彼茂俗赫乎高門經文緯武翼子謀孫其一施及我公克

廣爾祖敦闕下筆遼水渺彌隴山峒闕下悲纏九族戀切三闕下